



Broj: 01,02,03,03/11, 04/6-05-2-2197/25

Sarajevo, 11. 11. 2025.

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 12-11-2025			
Organizaciona jedinica	Klasifikaciona oznaka	Redni broj	Broj priloga

B

Izveštaj sa službenog putovanja

PAM – "Parlamentarni kurs o zakonodavnim i političkim mjerama za sprečavanje i suzbijanje upotrebe vještačke inteligencije i novih tehnologija u svrhe terorizma i nasilnog ekstremizma"

Aman – Hašemitska Kraljevina Jordan, 4. i 5. novembar 2025. godine

Poslanik u Predstavničkom domu i zamjenik predsjedavajuće Delegacije Parlamentarne skupštine BiH u Parlamentarnoj skupštini Mediterana (PAM) Vlatko Glavaš učestvovao je na Parlamentarnom kursu o zakonodavnim i političkim mjerama za sprečavanje i suzbijanje zloupotrebe vještačke inteligencije i novih tehnologija u svrhe terorizma i nasilnog ekstremizma.

Kurs je održan 4. i 5. novembra u Amanu, Hašemitska Kraljevina Jordan, u okviru predsjedavanja PAM-a Koordinacionim mehanizmom UN-a za parlamente u oblasti borbe protiv terorizma.

Skup su zajedno organizirali Ured UN-a za borbu protiv terorizma (UNOCT) – Program za angažman parlamentaraca, Vijeće Šura Države Katar, te Program UNOCT/UNCCT za cyber sigurnost i nove tehnologije.

Cilj programa bio je jačanje svijesti i kapaciteta parlamentaraca da efikasno odgovore na potencijalne zloupotrebe vještačke inteligencije i novih tehnologija u svrhu terorizma, uz očuvanje međunarodnih standarda ljudskih prava i humanitarnih normi. Poseban fokus bio je na razmjeni dobrih praksi, unapređenju zakonodavnih odgovora i jačanju međuparlamentarne saradnje država članica PAM-a u borbi protiv terorizma – kako u euromediteranskom i zaljevskom regionu tako i na međunarodnom nivou.

Učesnike skupa pozdravili su generalni sekretar PAM-a i predsjedavajući Koordinacionog parlamentarnog mehanizma UN-a za borbu protiv terorizma, ambasador Sergio Piazzi, predsjednik Senata Hašemitske Kraljevine Jordan Faisal El-Fayez, te član Vijeća Šure Države Katar Ahmed bin Hamad Almohanadi.

Osim predstavnika država članica PAM-a, Parlamentarni kurs u Amanu okupio je i predstavnike parlamenata koji učestvuju u Koordinacionom mehanizmu UN-a za borbu protiv terorizma, kao i pravne stručnjake i specijaliste iz parlamenata koji se bave izradom zakonodavstva i nadzornim funkcijama.

Tokom dvodnevnog događaja poslanik u Predstavničkom domu Parlamentarne skupštine BiH Vlatko Glavaš posjetio je Ambasadu Bosne i Hercegovine u Amanu, gdje se sastao s ambasadorom BiH u Jordanu Nj. E. Slavkom Matanovićem.

Posjeta je bila prilika za detaljan i sadržajan razgovor o trenutnom stanju bilateralnih odnosa između Bosne i Hercegovine i Jordana, kao i o mogućnostima za njihovo unapređenje i jačanje saradnje u različitim oblastima.

Poseban akcenat stavljen je na povećanje trgovinske razmjene, privlačenje jordanskih investicija u BiH te na saradnju u oblasti turizma. Razgovaralo se i o izazovima i potrebama bh. građana koji žive i rade u Jordanu.

Ambasador Matanović istaknuo je važnost posjete poslanika Glavaša, naglašavajući da je direktna komunikacija s predstavnicima zakonodavne vlasti od ključne važnosti za efikasno provođenje vanjske politike i promociju interesa Bosne i Hercegovine u Jordanu i na Bliskom istoku.

Osim zamjenika predsjedavajuće Delegacije Parlamentarne skupštine BiH u PAM-u Vlatka Glavaša, Parlamentarnom kursu PAM-a prisustvovali su i: sekretarka Delegacije Parlamentarne skupštine BiH u PAM-u Enida Mehmedovski te zamjenica sekretarke Delegacije Parlamentarne skupštine BiH u PAM-u i prevoditeljica za engleski jezik Amila Kličić.

Izveštaj pripremila:

Enida Mehmedovski



Dostaviti:

- Kolegiju Predstavničkog doma PSBiH
- Kolegiju Doma naroda PSBiH
- Kolegiju Sekretarijata PSBiH
- Delegaciji Parlamentarne skupštine BiH u PAM-u
- Zajedničkoj komisiji za evropske integracije PSBiH
- Komisiji za vanjske poslove Predstavničkog doma PSBiH
- Komisiji za vanjsku i trgovinsku politiku, carine, saobraćaj i komunikacije Doma naroda PSBiH
- Sektoru za odnose s javnošću Sekretarijata PSBiH
- Sektoru za međunarodne odnose i protokol Sekretarijata PSBiH

Kopija: Ministarstvo vanjskih poslova BiH